

# Oz e la Notg digl barlot



## AVREGL

# La Notg digl barlot

Que mains dat igl betga egn gi spezial, mobagn egn notg speziala. La notg digls 30 d'avregl sen igl 1. da matg vean ear numnada «la Notg digl barlot». Ple bòld gev'ign ca las streias vignan or quella notg par saltar a far legher anzemel. Peia par far egn ver «barlot». Ancanuschas tei l'istorgia da la streieta? An quella va'gl ear par la Notg digl barlot. Ear la streieta saltass quella notg bugent cun las streias gràndas. Mo ella â per 127 ons a parquegl prendan las streias ple viglias betga serius ella. Cunquegl c'ella e ânc betga egn streia grànda, vut ella seglmains easser egn bûna streia a striunar digl bien par igls carstgàns. Quegl ple dantànt betga a tschellas streias. Sur da streias dat igl blearas istorgias, par exaimpel istorgias da

fantaseia sco quella da la «Streieta», da la streia «Lili» near da la «Bibi Blocksberg». Sur da streias dat igl dantànt ear istorgias c'en veras a fetg trestas. Ple bòld numnav'ign tscheartas dunas «streias», parquegl c'ign carteva c'ellas fetschan nosch cun oters. Ad alura ân ign tracto fetg mal questas dunas. Quels tains en par furtuna passos a la Notg digl barlot s'oda a quels ca vutan festivar la fegn digl unviern a la rivada da la parmavera a passantar egn notg ampo misteriusa cun anqual «abracadabra» a «simsalabim!»


Ancanuschas tei l'istorgia da la streieta?

- Otfried Preussler, Winnie Gebhardt-Gayler  
La strietta  
Lia Rumantscha, 1993  
da rattrer sen [www.liarumantscha.ch](http://www.liarumantscha.ch)

Tge istorgias da streias  
ancanuschas tei?

Ancanuschas tei otras feastas  
da parmavera?


Tgenegn e igl tieus usit  
preferieu?



# Ideias par egna Notg digl barlot

1

Partge betga far egn'atgna Notg digl barlot? Qua egn peer ideias ca tei savessas realizar cun igls teas geniturs a tias amitgas streias a teas amitgs striùns!



tee da streias  
Par far egn tee da streias cotschen  
laschas tei cuir aua, fas egn tee  
da fretgs near da froslas ad aschuntas  
ànc ampo gis d'oranschas da sàng,  
quegl dat egna beala calur!




vastgadira da streias  
Forza ca la tia tata â ànc vastgadira  
(rassas lûngas, blusas, tgapealas a  
calzers) da ple bòld? Ampeara, scha  
tei astgias amprastar la vastgadira  
a transfurmescha an egna streia.

vearsets da striunar  
Amprenda ordafora egn vearsset da  
striunar. Tei tgatas vearssets da  
striunar sen las proximas paginas.

egn fiac

Fe anzemel cun egna parsùna carschida (scha quella lubescha) egn fiac or agl liber. Near forza vez vus egna cupa da fiac agl iert? Igl fiac dat tgòld ad ign sa saltar anturn igl fiac!



scùa da streias  
Varda sen las proximas paginas co  
ca tei sas far seza near sez egna scùa  
da streias.

supa da streias  
Cun agid dad egna parsùna carschi-  
da taglias tei rieblas, hardefels a  
selerign (near egn'otra verdira tanor  
gust). Aschunta buglion a le cuir la  
supa durànt zirca 30 minutas. Questa  
supa savez vus ear taner tgòld a scha  
vus lez, pudez vus ànc aschuntar  
liongias 20 minutas avànt ca survir  
ella. Forza vez vus parfegn egna  
grànda padeala par far la supa sen  
igl fiac?

canzùn da la streieta Irma  
Tgànta la canzùn da la streieta Irma.  
Tei tgatas igl text a la melodeia sen  
las proximas paginas.




Acca,  
bacca,  
schmella,  
trella,  
o r,  
bos,  
tira la mola.  
Ene, mene mente,  
locum, tocum, tente,  
carabutti,  
cassatutti,  
simsalabim,  
ad ussa e tut a fegn.

Ecca, furecca,  
serecca, siricca,  
ripetta, tipetta  
a plum.  
Ene, dene, diade,  
diade, di Salome,  
salome, digattriga,  
gattri, gattri, plums.  
eni, beni, subtraheni,  
divi, davi, domi, neni,  
ecca, brocca, casa, nocca,  
zinghela, zanghela, zisch!


# Canzùn da la streieta Irma

4


m/t: P. Flepp



1 Tge cal-zers, o hei-sa-sa,  
2 Igl vas-tgieu, o hei-sa-sa,  
tge lun-ghe-ztga, tra-la-la-la,  
e plagn scro-tas, tra-la-la-la,



igls tga-vels en verds sco egn rustg ad igl nas e gränd sco egn urs.  
cun la scù-a viea-di fa, gi-bla, gre-scha, hei-sa-sa.



Igls unfànts agl rudi tgàntan a mus-san: igls pes grànds, igls tgavels, igl nas, a. a. a. Egn unfànt e la streieta a va anturn agl rudi. Ella porta calzers grànds da calur. Cur ca la canzùn e a fegn, fa ella «hä-hää-ha» davànt egn unfànt – quel e ussa la streieta (midar igls calzers). Ign savess ear dar instrumaints agls unfànts (p. ex. lens, sgiaras radundas, sgiaras da màn) near ear sblatschar cugls màns. Cur ca la streia mida, midan ear igls instrumaints.

Tei dovras:

- romets da badugn, ca 50–60 cm lùngs
- egn bastùn gross near egn moni-scùa
- fildirom
- corda
- egn forbesch d'iert
- egn zànga
- egn forbesch
- calur d'acril, plemas near bindels da tela, curals ad oter material par decorar la scùa

- 1 Remna tàntas groblas ca tei sas far egn grànd puschel cun egn diameter da seglmain 10 cm. Fe gl'amprem pintgs hufens cun las groblas. Meta egn sen l'oter igls romets, ascheia ca las parts grossas statan bagn anzemel.
- 2 Prenda ussa igl bastùn gross near igl moni-scùa a plazescha igls romets ascheia c'igl va da meter els regularmeing anturn igl bastùn. Fixescha els cun igl fildirom. Quegl dovrà blear forza – le far quegl dad egn parsùna carschida ca â aints guànts.

- 3 Cur ca tut igls romets en farmos bagn ved igl bastùn gross, sas tei prender egn corda a liar ella anturn par ca tut tegna.
- 4 Ussa para quegl ànc dad easser egn scùa par la veia – co davainta ella propi la tia? Prenda plemas a curals par la decoraziùn – ussa dat igl egn scùa par streia a striùn!

